

**Erngup nukingata innaallagissiornermut atornerqartarnera pillugu Inatsisartut  
inatsisissaattut siunnersuut**

(Ineqarnermut, Attaveqarnermut Angallanermullu Naalakkersuisoq)

**pillugu**

**Ineqarnermut Attaveqarnermullu Ataatsimiititaliap**

**ISUMALIUTISSIISSUTAA**

**Inatsisissatut siunnersuut aappassaaneerreqarnerani saqqummiunneqartoq**

Ataatsimiititaliaq kingullermik suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq

Inatsisartunut ilaasortaq, Olga P. Berthelsen, Inuit Ataqtigiit, siulittaasup tullia

Inatsisartunut ilaasortaq Anders Olsen, Inuit Ataqtigiit

Inatsisartunut ilaasortaq Kim Kielsen, Siumut,

Inatsisartunut ilaasortaq Ruth Heilmann, Siumut, sinniisussaq

Ulloq 6. oktober 2009-mi siullermeerinerup kingorna ataatsimiititaliap siunnersuut erseqqinnerusumik naliliiffigaa, imalu oqaaseqaateqarniarluni:

**Siunnersuummut tunuliaqutaasut**

Ukiuni kingullerni pinngortitami isumalluutitta aningaasaqarnikkut imminut napatissinnaaneq anguniarlugu inuussutissarsiutinik ineriartortitsinermit atorluarneqarnissaat annertusiartortumik siunnerfigineqarsimasoq siunnersuuteqartoq siunnersuummut nassuiaatini aallarniutigalugu allappoq. Siusinnerusukkat aatsitassanik misissueqqaarnissamut piaanissamullu tunngavissanik pilersitsisoqartarsimasoq, taamatullu innuttaasunut inuiaqtigiillu aningaasaqarnerannut iluaqutaasumik erngup nukinganik isumalluutinik tunngaveqarluni suliffissuarnik ineriartortitsinissamut inatsisissatut siunnersuummi matumani tunngavissiisoqartoq siunnersuuteqartup aamma paasissutissiissutigaa.

Tamanna tunngavigalugu erngup nukingata innaallagissiornermut atornerqartarnera pillugu Inatsisartut inatsisissaannik siunnersuusiortoqarpoq. Siunnersuutip atuutilerneratigut Kalaallit Nunaanni nukissiornermut isumalluutissat mingutsitsiviunngitsut niuernerpalaartumik atorluarneqarnissaannut killissarititaasut pilersinneqassasut, avataaniit aningaasaliisoqarsinnaanera ammaanqassasoq aammalu inuussutissarsiutinik nungusaataannngitsunik tunngaveqar-

tunik nutaanik pilersitsinissaq ammaanneqassasoq siunnersuuteqartoq isumaqarpoq. Tamatuma peqatigisaanik siunnersuutip atuutilerneratigut Namminersorlutik Oqartussat erngup nukinganik isumalluutininik aamma erngup nukinganik innaallagissiorfinnik siunis-samut ungasissumut atuisinnaanissaat, piffissamut killilikkamik akuersissutitigut aamma erngup nukinganik innaallagissiorfiit akeqanngitsumik Namminersorlutik Oqartussanut tunniunneqarsinnaanerisigut qulakkeerpeqassasoq siunnersuuteqartoq aamma isumaqarpoq.

Killiliussatut inatsit pineqarmat suliassaqarfik pillugu maleruagassat erseqqinnerusut pilersikkumallugit Naalakkersuisut nalunaarutininik arlalinnik suliaqarnertik ingerlakkaat siunnersuuteqartup erseqqissaatigaa.

### **Tusarniaanermut akissutit**

Siunnersuutip ataatsimiititaliami suliareqarnerani atugassatut tusarniaanermut akissutit nuutinneri ataatsimiititaliap piniarpai. Tusarniaanerit marluk ingerlanneqarsimapput, taakkulu pillugit allakkianik ataatsimiititaliaq tigusaqarpoq.

### **Siunnersuummik sularinninneq**

Inatsisartuni siullermeerinermi siunnersuut ilalernerqarluartoq ataatsimiititaliamit maluginiar-neqarlunilu paasineqarpoq siunnersuut matumani pineqartoq assut isumaqatigiissutaasoq.

Pissutsit marluk Inatsisartut immikkoortumik sularinninneranni immikkut sammineqartut ataatsimiititaliap maluginiarpaat.

Siullermik pisinnaatitaaffimmik pigisaqartup illoqarfinni qanittuni inuiaqatigiinnut nukimmik pilersuinissamut pisussaaffilerneqarsinnaaneranut apeqqut aappaattullu aningaasanut inatsise-qarfiusumi 2010-mi aningaasanut inatsisissatut siunnersuummi erngup nukinganik misissueq-qaarnernut (konto pingaarneq 73.95.02) aningaasaliissutaasut nassatarisaannik nunatta avanaani erngup nukinganik nukissiorfiliornissamik pilersaarutit ukiunik qulinik kinguaat-toornissaannik oqaatigineqartut pillugit apeqqut.

Apeqqummut siullermut tunngatillugu apeqqut taanna siunnersuummi aalajangersakkat ataasiakkaat nassuiaataanni tamakkiisumik akineqartoq ataatsimiititaliaq isumaqarpoq.

Apeqqutip aappaanut tunngatillugu Ineqarnermut, Attaveqarnermut Angallanermullu Naalakkersuisumik ataatsimiititaliap ataatsimeeqateqarnerani 2010-mi aningaasanut inatsim-mut aningaasaliissutit kingunerisaannik erngup nukinganik nukissiorfiliornissamik pilersaa-rutit ukiunik qulinik kinguatoornissaannik oqaatiginninneq ilisarinnannikkini Naalakker-suisunut ilaasortap ataatsimiititaliamut paasissutissiissutigaa. Kontomut pingaarnermut taaneqartumut aningaasaliissutitut immikkoortinneqartut 2009-mi aningaasanut inatsimmi qaffariaateqartut, qaffariarnerlu taanna 2010-mi aningaasanut inatsisissatut siunnersuummi

30. oktober 2009

UKA 2009/116

ukiunilu missingersuusiortfinni aalajangiusimaneqartoq Naalakkersuisunut ilaasortap paasissutissiissutigaa. Taamaattumillu siunnersuummut ataatsimiititaliap tapersiinerata allanngortinnissaanut ataatsimiinneq pissutissaqalersitsinngilaq.

Tamanna tunngavigalugu **ataatsimiititaliap isumaqatigiittup** siunnersuut Inatsisartunit akuersissutigineqassasoq inassutigaa.

Taama oqaaseqarluni Ineqarnermut Attaveqarnermullu Ataatsimiititaliap inatsisissatut siunnersuut Inatsisartunut aappassaaniigassanngortippaa.

---

Justus Hansen,  
Siulittaasoq  
Demokraatit

---

Olga P. Berthelsen,  
Siulittaasup tullia  
Inuit Ataqatigiit

---

Anders Olsen  
Inuit Ataqatigiit

---

Kim Kielsen,  
Siumut

---

Ruth Heilmann,  
Siumut